

# 大日本史

六十五

第一百五十二卷 列傳  
 平清盛上

第一百五十三卷 列傳  
 平清盛下

和書門	
二〇二	二〇二
五五	五五
三八	三八
一〇	一〇
冊架函號類	冊架函號類

内閣文庫  
 番號和 20258  
 冊數 150(65)  
 函號 138 105

三	二
八	〇
函	二
二	九
〇	八
架	冊
冊	號
類	類

架冊〇二一  
 六五歷和



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale




© Kodak, 2007 TM: Kodak



大日本史卷之一百五十二

淺草文庫



列傳第七十九

權中納言從三位源光圀 修

男權中納言從三位綱條 校

玄孫權中納言從三位治保重校

平清盛上

子基盛 宗盛 重衡 知盛

平清盛刑部卿忠盛長子也公卿補任母白

河帝宮女帝出賜忠盛生清盛源平盛衰記○

按二書皆曰帝賜宮女時宮女有身帝謂忠盛曰生女則朕收之男則汝養為子及生忠

大日本史 卷一百五十二 川傳

盛欲奏其狀未得便年至三歲忠盛從帝幸  
 熊野過絲鹿山掇零餘子獻之作歌曰波布  
 保之曰多陀毛利加古毛柰利珥計利帝繼  
 成盛妻遂養為子而見零餘子作歌曰波布  
 光清妻生兒適見零餘子作歌曰波布保別  
 珥以毛我奴加馭波柰利珥計利妻繼之曰  
 以麻波毛利也刀流倍珂留羅牟其繼事相  
 似疑世見清盛強盛誤引鳥羽帝語以實之  
 取光清歌而傳會之也且二書書母氏盛衰  
 記為兵衛佐局平家物語為祇園女御而平  
 氏系圖不書清盛母曰教盛母待賢門院侍  
 女子之賢門院侍女子者疑即祇園女御也則其  
 母待賢門院猶不可詳而其記事特委曲詳  
 悉者亦可疑長而穎悟美姿貌長門本平忠  
 故今不取疑長而穎悟美姿貌家物語本平忠

盛後娶藤原宗兼女有子以故清盛出依宗

兼甥藤原家成參取源平盛衰大治四年敘

從五位下任左兵衛佐公卿補任保延中遷

中務大輔兼肥後守累進從四位上公卿補

平盛衰記平家物語竝曰時人謂清盛年少  
 非華族何叨榮位乎鳥羽法皇聞之曰清盛  
 之族豈在人下蓋謂其實久安二年進正四  
 為白河帝子也今不取其久安二年進正四

位下任安藝守公卿補任將詣熊野社路經伊勢

阿濃津有鱸魚躍入舟中人賀之曰昔白魚

入周武之舟以為嘉瑞今公獲之豈非神之

所眷佑乎清盛喜手自割之與從者共食焉

大正本史 卷一百五十二 夕作

平家保元元年上皇集兵白河北殿清盛叔  
 父右馬助忠正及源為義應召初鳥羽帝預  
 知亂作親書下野守源義朝以下十人姓名  
 備守禦清盛以其父奉上皇命使妻乳養重  
 仁親王故不預焉然以其彊宗世將美福門  
 院稱遺詔召之乃與義朝帥兵攻北殿及北  
 殿敗敕清盛捕為義清盛搜索未能得為義  
 忠正窘迫出降忠正就清盛乞宥死清盛雅  
 與之不協且其意以為我斬忠正朝廷必使

義朝斬為義朝議若宥之我則以斬叔父固

爭也遂殺忠正義朝亦殺為義保元物語清盛以

功任播磨守尋除太宰大貳公卿補任平家物語源平盛衰

記平治元年冬右衛門督藤原信賴作亂以

義朝與清盛有隙誘為謀主矚清盛詣熊野

發兵犯皇居清盛至切部○愚管鈔子弟自作田邊

六波羅騁使告變清盛將歸京師患兵士寡

弱遣使熊野別當湛增及湯淺宗重徵兵伊

勢伊藤加藤族率兵來迎遇於安部野眾皆

踊躍遂入京師先詣稻荷社令眾折杉枝插  
 鎧袖已至六波羅時信賴入居禁內分將士  
 守宮門平治物語加藤據諸異本清盛致名簿於信賴佯  
 示無他志檢非違使別當藤原惟方遣非藏  
 人藤原尹明陰與清盛謀夜放火二條大宮  
 賊兵棄宮門赴救愚管於是帝潛乘婦人車  
 出藻壁門幸六波羅第參取愚管鈔平治物語清盛遣  
 騎兵三百餘迎乘輿公卿百官相踵而至平治  
 關白基實亦至基實信賴妹婿也人皆疑

之藤原公教顧清盛曰關白來如之何清盛  
 曰攝籙之臣不來則可召今其來固其宜矣  
 眾皆善其對愚管帝召清盛諭曰今宮城新  
 成汝令將士佯走示弱賊必悉兵出鬪因速  
 入據之無令宮城罹兵燹也清盛曰信賴逆  
 賊在臣掌握若其兵燹則無可柰何然聖旨  
 嚴重敢不罄力乃遣重盛賴盛等將兵擊之  
 戰酣引退賊果悉兵追之官軍遂入宮城信  
 賴狼狽出走義朝回兵更攻六波羅清盛遽

大日本史 卷一百五十二 列傳 三

著兜鍪、誤倒戴之、左右言之、清盛詭辭應曰、至尊在此、我不欲背之爾、乃登北臺、指麾士卒、賊兵急攻、矢下如雨、官軍退縮、清盛叱曰、使賊薄此處、何其無恥乎、整軍徐出、躬自當之、令士卒更進、遞戰、賊軍敗走、平治物語清盛入禁內、收名簿、曰、昨日予焉、今日取焉、大笑而出、愚管信賴已伏誅、帝進清盛子弟官爵、源平其諸子獲賴朝、義經等、欲斬之、既皆赦之、平治

物語

是歲日向太郎通良反于肥前、

百鍊鈔源平盛衰記

清盛奉敕遣倭人平家貞討之、

源平盛衰記永曆

元年以前後功敘正三位、尋任參議、應保長

寬間兼右衛門督檢非違使、別當、為權中納

言、公卿補任源平盛衰記敘從二位、兼皇太后宮權大

夫兵部卿、永萬元年任權大納言、公卿補任是秋

延曆興福二寺構兵、京師訛言、上皇密詔討

清盛、清盛聚兵守備、上皇太驚、源平盛衰記

幸六波羅、躬自開諭、清盛佯病不出、源平盛衰記

源平盛衰記

上皇還宮、謂近臣曰、浮言一出、京師動搖、未  
 審言者為誰、嬖臣西光進曰、天無言、令民言  
 之、驕而無禮者、天之所惡、平氏其亡乎、坐者  
 默然、高倉帝即位、以其幼冲、上皇復親庶務、  
 清盛妻平時子皇太后之姊、以故勢焰益熾、  
 上皇稍惡之、然不得制、積憤薙髮、專歸佛乘、  
 清盛心竊喜焉、源平盛衰記 仁安元年、敘正  
 二位、公卿補任 拜內大臣、公卿補任 二年、陞從一  
 位太政大臣、賜隨身兵仗、聽輦車出入宮中、

不歷左右大臣、直為太政大臣者、前此止藤  
 原信長一人而已、公卿補任 源無何、上書辭  
 太政大臣兵仗輦車、許之、敕賜播磨印南野  
 肥前杵島郡肥後御代南鄉土比鄉等、為大  
 功田、傳之子孫、世世無絕、公卿補任 三年、疾病、詔  
 行非常赦、百鍊 剃髮、法名清蓮、尋改靜海、公卿  
補任 長門本平家物語、靜海或作淨海、見 行世稱太政入  
本 源平盛衰記、嘗造別館於西八條、殫極土  
 木、長門本平 其第多藝蓬、因號蓬壺、又營別

莊于攝津福原亭榭風流以窮四時之觀源平

盛衰天下政事一出其手放濫驕溢上下苦

之自知有議已者選童子三百人以爲耳目

截髮詭服執梅枝臂小鳥翼著赤幟出入禁

門不通姓名填滿街市伺察隱伏凡所見聞

皆歸報之清盛聽信其言淫刑濫罰頗多一

時爲之震懾京師騎乘者皆望而避之源平盛衰

記長門本平家物語孫資盛塗遇攝政基房不下車基

房從者責其無禮而辱之清盛大怒曰雖攝

關之貴何無憚於我也乃伏甲士於路覘基

房出擊破其車截從者髻以報之承安元年

清盛進其女德子爲女御已而立爲中宮是

爲建禮門院玉海源平盛衰治承元年重盛

宗盛兄弟竝爲左右近衛大將時上首者皆

怏怏不平法皇執事權大納言藤原成親亦

企覬之不能得因與西光謀以法皇密旨約

結源行綱平康賴法勝寺執行俊寬等會俊

寬鹿谷山莊謀滅平氏法皇亦欲臨之法印



靜賢諫而止

源平盛衰記○平家物語愚管  
鈔為法皇幸者誤事詳註本紀

初西光子藤原師高為加賀守孫師經燒涌

泉寺白山僧徒就延曆寺訴之法皇使座主

明雲和解之僧徒不聽朝議不得已流師高

等法皇不悅西光乘隙讒明雲處流參取源  
平盛衰

記平家  
物語清盛嘗受菩薩戒于明雲約為師弟

以故延曆寺僧徒乞救於清盛清盛欲奏請

留之至則法皇不見明雲遂赴配所僧徒追

而奪之法皇怒命將士討延曆寺清盛不肯

奉命法皇特敕成親集兵成親竊謀討清盛

未發源行綱背約馳詣福原告之源平盛衰  
記○平家

物語保曆間記為清盛時在西八條  
第誤今從本書及玉海顯廣王記清盛大

驚急歸京遣檢非違使阿部資成於法住寺

殿就大膳大夫藤原信業奏曰成親等欲滅

臣家亂天下此非陛下所知臣將逮捕此徒

窮問事情法皇錯愕少焉曰非朕所知也清

盛乃收西光拷治具得其實遣使誘致成親

著戎衣操眉尖刀謂平貞能曰我取嫉於人

豈以官階踰分乎、夫田村麻呂、菊田麻呂、子而東征建功、陞爲近衛大將、其餘以軍功得賞者不爲不多、豈我一人而已、昔保元之亂、右馬助已下親族多應新院之召、且一宮則故刑部卿之所奉、我亦不能愬然、然以故院遺詔、身先禁旅、戡定禍亂、平治之亂、信賴義朝、凶鋒熾銳、當此之時、自非我忘身奉公、國家殆危矣、撥亂靖難、使官家有今日、是誰之力、若錄此功、則恩賚宜及子孫、况於我身乎、

今偏信成親等讒、遽欲滅我門、向微行綱、我豈得晏然、法皇舉措輕躁如此、他時有再進姦計者、院宣一出、則我得賊名、悔之無及、不如先事圖之、我今欲徙法皇於鳥羽宮、不然則幸於吾第、宿衛之士或有枝梧、汝宜號令士卒、俾爲警備、於是闔族咸著戎服、將士麇至、清盛以謂重盛必不從已、不欲召之、然以父子之故、乃告以其計、重盛切諫、事遂寢、既而斬西光、流成親、父子及其黨皆置遠惡處、

無幾遣人殺成親參取源平盛衰記平家物語二年中宮

有身先是清盛冀其生男禱嚴島社月一造

焉一夜夢神賜后寶劍納其懷復授妻時子

清盛大悅世疾其貪榮榜門謗之清盛以為

有文才者所為錄差涉形迹者一千三百餘

人按問北野社前竟不獲主名長門本平家物語是

冬皇子生清盛喜極而泣人以為不祥初中

宮產難時法皇將幸新熊野先入產室誦經

護持既而分娩源平盛衰記平家物語清盛獻砂金富

士綿谷一千兩謝之源平盛衰記法皇怒其似嚬

物曰朕為驗者亦足以活一身源平盛衰記長門本平家

物語三年重盛薨法皇與關白基房謀收其所

領越前玉海源平盛衰記故攝政基實妻薨又收其

莊園玉海山槐記基房奏請以子師家超次為中

納言玉海公卿補任基房兄子基通清盛女婿也亦

因清盛請之因為懇請而不得源平盛衰記是冬

清盛率兵士數千騎至自福原京師驚擾玉海

山槐記源平盛衰記清盛使子重衡白帝曰臣觀時勢

大日本書紀 卷一百五十二 列傳

心不自安、若一旦得罪、悔無及矣、今當乞骸  
 骨、竄匿遐徼、願奉東宮以往焉、帝大驚、遣中  
 使慰諭、玉海即日停基房父子官職、以基通為  
 關白、玉海、公卿補任、百鍊鈔基房聞清盛抵京師、謁法  
 皇曰、臣嘗以資盛事、遭清盛怒、因重盛營救  
 得免、今重盛歿、清盛無復所憚、欲甘心於臣、  
 臣必遠竄、不得永奉左右、因嗚咽泣下、法皇  
 愀然曰、朕亦不自安也、源平盛衰記遣靜賢諭清  
 盛、以爾後於萬機無有所言、百鍊鈔靜賢就家

臣傳命曰、頃年朝廷不寧、人心動搖、惟公上  
 下所倚賴、其不能制人、尚可、何至自為不靖、  
 聞公有憾于朕、豈由間言而致然邪、公擁兵  
 入京、朕不知其謂、宜披陳悃幅、若無他故、當  
 下令以靖騷擾、清盛不出拜命、日將暮、靜賢  
 請歸、久之、清盛使子知盛對曰、靜海老耄、自  
 揣不能復侍院中、靜賢將出、呼曰、賢相名臣、  
 跼天躋地、清盛乃呼還之、艱然曰、方成親謀  
 奸、卿能覺事機而止鹿谷御幸、是我所以面

卿也。夫保元平治之亂，忘家勤王，討逆靖難，是皆人之所知。然遺舊勲，動輒猜忌，輕信近習，欲滅我門，命運未衰，幸脫禍機。至若重盛歿，未過七七，遽有八幡御遊及法住寺殿御會，踈薄何甚，且重盛忠義，時人所知，向賜越前也。命傳之子孫，然而歿後，輒見削奪，死者何罪，遽至於此。及中納言缺，吾爲基通請，而更以師家爲之。我所請，縱無例據，應以特恩見聽。况夫基通以宗嫡官至中將，於此拜乎。

何有竊聞，進院內近習共謀不良，實出於院之叡慮。縱吾有罪，當蒙七世之宥。齡垂七旬，屢將誅戮，我身且不能保，子孫得復立朝哉。老而喪子，猶朽木無枝，重盛沒後，自知衰運，宜其失眷遇，背人望。縱盡忠勤，豈副聖旨。殘喘無幾，絕望於世。不孝子父母尚愍之，况重盛忠孝才行兼備乎。老罹至痛，何不少賜憫恤。故吾謂近侍院中無益耳。言訖泣下，靜賢亦歔歔少選，爲說逆順，多方開諭，清盛意稍

釋禮而遣之源平盛衰記俄而奪公卿以下至北

面親近法皇者三十九人官職出基房為太

宰權帥流前太政大臣師長于尾張逐權大

納言源資賢于關外於是遣宗盛圍法住寺

殿幽法皇于鳥羽宮參取源平盛衰記平家物語○三十九人諸書

有異同今從玉海又使宗盛白帝曰自今而

後事無巨細一決聖心是日往福原源平盛衰記保

曆間無幾還八條第皇太子避方忌于八條

第獻宋人所齎太平御覽三百卷山槐記百鍊鈔○按

百鍊鈔為天皇行幸然不是日行四年清盛奉

皇太子即位是為安德帝上皇尚富春秋亦

非有他故而遽去位人惡其專恣上皇以清

盛崇信嚴島神欲臨幸以得其歡心先喻寺

清盛清盛大悅遂幸焉源平盛衰記四月源

賴政勸以仁王謀滅平氏乃使源行家齎令

旨歷說東國與諸源約結行家先至伊豆令

源賴朝起兵東鑑源平盛衰初行家匿居熊

野新宮及赴東國與那知新宮僧徒約起兵

相應、本宮別當湛增與平氏有好、率其徒攻  
 那知、反為所敗、遣使告之福原、清盛還六波  
 羅、與廷臣議、遣檢非違使襲以仁王、清盛初  
 未知事出於賴政、賴政子兼綱亦在遣中、故  
 賴政先知之、使王遁于園城寺、延曆興福二  
 寺應之、清盛大集將士計議、用上總介藤原  
 忠清計、以米絹啗延曆寺、延曆寺僧徒果畔、  
 源平盛源平盛賴政奉王赴柰良、清盛遣子弟將二  
 萬餘騎、追擊之平等院、王及賴政敗死、玉海、山槐

記、源平盛衰清盛常疾叡山柰良僧徒屢  
 犯京師、欲遷都於福原避之、平家物語記是歲  
 六月、遂徙焉、宮殿未成、權以弟賴盛別莊為  
 宸居、玉海、源平盛衰記既而復徙車駕於已第、玉海、人  
 情崩駭、物議紛紜、源平盛衰記至此幽法皇於三  
 間板屋、先是以宗盛諫、自鳥羽宮徙八條烏  
 丸、稍寬其禁、及以仁王事起、禁防益密、進膳  
 止朝夕而已、人呼曰牢御所、清盛欲造大內  
 裏於新都、使大納言藤原實定參議源通親

等相攸輪田、規度廣衰、而土地狹隘、議者或欲營昆陽野、或曰印南野可也、未決、乃使前權大納言藤原邦綱、課周防假營皇居、稱為里內裏、源平盛衰記、長門本平家物語是月清盛及妻時子準三宮、賜年官年爵、直私第者、服飾如院宮上日儀、源平盛衰記、年遷都以來、朝野怨讟、月據公卿補任訛言屢行、或云源仲綱等擁以仁王走伊豆、潛匿在甲斐、玉海於是收園城寺莊園、罷圓慧法親王所帶天王寺檢校職、考治僧正房覺

以下十三人、停二會講師圓全等、源平盛衰公請

記、長門本平家物語流堂衆筒井明秀等三十餘人、源平家

語物九月相模人大庭景親告曰、伊豆流人源

賴朝稱承一院詔暨高倉宮令旨、發兵攻殺

目代平兼隆、據石橋山、景親聚兵擊破之、賴

朝逃竄杉山、不知其所之、或曰赴水、或曰自

瘞死、清盛大悅、賞景親等、既而清盛族黨在

東國者頻告曰、賴朝死石橋者妄也、北條佐

佐木三浦等皆屬之、伊豆駿河甲斐信濃將



士雲集、兵勢大振、不早誅、恐無及、清盛悔恨、曰、東國人士、多是爲義門族臣孥也、我慮不及此、放賴朝於東國、使彼擁戴而滅我門也、譬猶授盜鑰放虎野、彘賴池尼之營救、幸得全首領、今忽忘舊恩、關弓於我邪、乃請上皇下討賴朝敕、上皇曰、宜奏之法皇、清盛愠曰、方今天子幼冲、事不可不決、陛下何爲踰請法皇、聖慮其與源氏邪、上皇笑而從之、下官符東海東山二道討賴朝、以孫維盛弟忠度

子知度爲追討使、源義仲亦起兵、信濃應賴朝、是月上皇又幸嚴島、清盛扈從、屏人迫請曰、旣下討賊敕、無復疑陛下、然願賜誓書、而明不與源氏、否則放陛下於此、上皇曰、朕年來於公何負、而疑朕至此、如所請則何難之有、宗盛進紙筆、清盛口占其辭、請上皇書、書成賜之、上皇竊與侍臣語、歔歔流涕、清盛還自嚴島、心稍解、造宮夢野、復徙法皇、十月維盛抵富士川、軍夜驚潰、十一月新都宮成、帝

徙御焉、延曆寺屢上狀請還舊京、清盛集百  
官、令言兩都利害、衆皆承意、盛稱新都之美、  
左大辨藤原長方獨抗議以為不便、清盛不  
懌而罷、今據續古事談訂之俄移公卿還舊  
京、源平盛先是福原第屢有怪、夜有物如人  
面、大可充一室、又中夜有聲、如大木僵、而空  
中哄然大笑、又所愛駿騏曰望月、一夜鼠巢  
尾生子、又庭上有髑髏數百、旋轉交錯、聚為  
一巨顱、高十餘丈、忽生千萬眼、清盛惡之、平家

物語自維盛等敗後、東海北陸諸源兵勢益熾、

前右兵衛尉山本義經及弟柏木義兼亦起

兵、近江應賴朝十二月遣知盛等討之、源平

記、東鑑義經犇鎌倉、東鑑時延曆寺僧徒與園城

寺連和應義經據園城寺、遣兵擊之、延曆寺

僧徒逆戰山科、玉海百鍊鈔又遣子清房攻園城

寺、放火燒之、堂宇焚蕩無遺、玉海山槐記百鍊鈔清房據百

鍊鈔○平家物語初興福寺僧徒欲迎以仁王、

發兵至木津川、聞以仁王敗而還、攝政基通

遣氏院有官別當藤原忠成諭之、僧徒陵轢  
 忠成褫衣逐之、再遣右衛門督藤原親雅偵  
 其形勢、右衛門督據恐怖而還、自後僧徒蠢  
 動不已、朝廷遣使詰事由、僧徒曰、非有他志、  
 唯欲圖清盛耳、源平盛清盛聞之、以瀨尾兼  
 康補大和檢非違所、率數百騎赴之、源平盛  
家物臨發誠之曰、無著甲冑執弓矢而使僧  
 徒致疑也、平家語僧徒聞兼康至、率兵來攻、士  
 卒多死、僧徒梟其首于猿澤池上、源平盛  
物

語、兼康僅以身免、源平盛先是興福寺復園  
 城寺牒、譏嘲清盛父祖不貴顯曰、平氏之糟  
 糠、武家之塵芥、西乘房信救草之、清盛大怒  
 索急、信救懼、源平盛漆身為癩亡去、源平  
盛衰後為源義仲書史、所謂大夫坊覺明是  
 也、又作木偶首、號為太政入道首、搗擊踏蹴、  
 清盛益怒、源平盛遣重衡將兵數千擊  
 之、焚東大興福二寺、山槐時天下諸道叛  
 平氏者日相續、士卒多逃亡、清盛意頗沮喪、

請法皇復聽政院中法皇讓而不聽源平盛

固請再三既而從之獻美濃讚岐以為御分

國以天下事專委宗盛海玉至是清盛悔心漸

生欲慰法皇意納其女于宮上皇晏駕纔旬

餘然法皇不能拒焉源平盛衰記

平家物語

大日本史卷之一百五十二終

大日本史卷之一百五十三

列傳第八十

權中納言從三位源光圀

修

校

校

校

校

校

校

校

校

校

盛知盛等出兵東北、而或逗撓、或病還、清盛  
 忿恚、時宗盛奉院宣將赴東國、未發、會清盛  
 得疾、身熱如火、盛水石槽、漂浴以取冷、病勢  
 日熾、妻時子稱二位尼、見其不可起、問所欲  
 言、清盛大息曰、平治以降、運天下於掌握、官  
 至太政大臣、身為國家外祖、奚求之有第、所  
 恨者不見賴朝首、我沒之日、無造堂塔、無供  
 養佛、願斬賴朝首以懸墓上、凡為我子孫者、  
 宜體是心、勿敢懈、宛轉煩躁、七日而薨、歲六

十四

源平盛衰記

茶毗愛宕

平家物語

波羅藏骨經島

○按東鑑曰、以遺命藏骨、播磨會

盜行火蓬壺、京師訛言相驚曰、有叛者、時人

以為不祥

源平盛衰記

其疾革也、以僧圓實

奏法皇曰、臣死之後、陛下每事宜與宗盛議

法皇依違不決、聞清盛色愠、遂許之

玉海

一門公卿十六人、殿上人三十餘人

平家物語

國受領衛府諸司六十餘人、守領郡國過天

下半、富埒王室、被服冠帽皆極華麗、一時尚

之曰六波羅樣大納言平時忠每語謂非其  
 門族者為非人其強盛如此清盛守安藝日  
 奉詔作高野山大塔及竣功夢老僧謂曰大  
 塔之造誠美而安藝嚴島與越前氣比實金  
 剛胎藏之兩界也今氣比殷盛嚴島荒廢若  
 修葺之卿身及子孫必享福祿清盛奏諸朝  
 遂修葺其社窮極壯麗源平盛衰記遇其內  
 侍巫女甚篤源平盛衰記凡有事則必禱焉源平盛衰  
記平家又攝津輪田崎地勢嶮惡漕運甚艱  
物語

公私往還覆沒者相繼清盛憂之欲為築一  
 島為泊然風濤衝齧久不就山槐記長門命  
 寫一切經於石沈以填之平家物語又請官令河  
 內和泉攝津及山陽南海二道諸國充其役  
山槐既而功成行旅得免患人皆便之名曰  
 經島源平盛衰記清盛子重盛基盛宗盛知  
 盛重衡維俊知度清房清定經光季盛清邦  
 良衡經光以下據異重盛自有傳維俊為春  
 宮少進知度敘從五位上任參河守平氏壽  
系圖

大正  
 卷一百五十三  
 列傳  
 三

永二年與維盛等將兵討源義仲至越中礪

波山會戰大敗源平盛衰記平家知度馬中

矢殪岡田親義來迫知度擊墜其兜鍪遂斬

之其子重義繼進知度麾下遮擊親義從騎

來救重義奮戰益力互相殺傷知度度不可

脫自刃而死源平盛衰記○按本書或云知

篠原戰為知度死清房○印本平氏系圖云

後事故今不取敘從五位下任淡路守平氏治承四

年率兵燒園城寺百鍊壽永二年與維盛等

拒源義仲大敗源平盛衰記三年戰死一谷

平家清定實大外記中原師元子清盛養為

子為式部丞敘從五位下玉海中原系圖任參河尾

張等守中原系圖尾張壽永三年戰死一谷

平家清邦權太納言藤原邦綱子邦綱嘗與

清盛情好款密以其女妻重衡清盛亦養清

邦為子為侍從源平盛衰記任丹波守玉敘從四

位下尊卑經光季盛良衡竝事關

基盛不詳其所出清盛養以為子平氏保元

元年年十七、以檢非違使率兵守宇治、塗值  
 宇野親治、基盛呼曰、奉敕禁兵士齋甲入京、  
 卿若欲奉官家、從我去、否則不得過、親治曰、  
 赴上皇召、基盛欲圍擊之、親治彎弓射之、基  
 盛兵披靡、既而援兵四合、基盛指麾士卒曰、  
 敵無後援、盡生獲之、遂虜親治以下十六人、  
 致之闕下、基盛飛矢滿體、流血淋漓、帝壯之、  
 卽日敕敘正五位下、保元物語、正五位下、  
 據京師鎌倉二本、後  
 敘正四位下、平氏系圖出為大和守、及將赴京師、

路、洄於宇治川、溺死、源平盛衰記、○按本書、  
 載基盛事、或書遠江守、

或書左衛門佐、然其除任、  
 之前後、不知何年、故不書、有子曰行盛、為正

四位下左馬頭、平氏系圖壽永三年、壘備前兒島、

將五百餘騎拒守、為賴朝將佐佐木盛綱所

敗、參取東鑑、源平盛衰記、○按、  
 平家物語作資盛、有盛、恐誤、帝崩、與左近

衛少將有盛射殺數人、敵入舟、乃執短兵奮

戰而死、○平家物語曰、與、  
 有盛入海而死、初父沒之日、行盛

幼弱、及長、以其母有夢、日誦提婆品、以追福、

雖處艱難窮阨、未嘗廢弛、至是亦誦之、聽者



悲之源平盛衰記行盛從權中納言藤原定家學

和歌其赴西海也遺平生所著稿一卷作和

歌留別源平盛衰記定家讀之感泣謂他日

奉敕撰和歌必當載之其父俊成撰千載集

載薩摩守忠度歌而沒其姓名定家惋惜之

源平盛衰記後更數朝撰新敕撰集載行盛歌而

書其姓名源平盛衰記

宗盛二條朝歷遠江淡路美作等守左兵衛

佐左馬頭仁安二年任右近衛中將尋為參

議明年進正三位任權中納言兼左衛門督

治承元年兼右近衛大將明年進正二位任

權大納言兼春宮大夫三年辭官職公卿補任及

重盛薨清盛益橫法皇素疾平氏顛權自藤


原成親事發清盛亦常蓄憤怒欲幽法皇宗

盛帥兵圍法住寺殿法皇掩泣曰豈欲遷朕

於遠僻乎宗盛奏曰不敢也暫幸鳥羽北殿

遂遷鳥羽殿源平盛衰記法皇怨嘆曰昔屬

有成親事殆至此賴重盛力救而得脫人之



云亡今至此極宗盛不如兄遠矣平家物語明年

高倉上皇將幸嚴島先幸清盛西入條第台

宗盛竊謂曰朕明日將發願途朝鳥羽殿然

不可以不報相國為之如何言未畢泫然淚

下宗盛對曰臣從幸何煩聖慮為上皇乃朝

鳥羽殿兩宮喜且悲相對而泣無幾宗盛諫

清盛徙法皇於合條烏丸第是歲安德帝即

位宗盛憑恃外戚之重益逞威權源平盛衰記

平家物語養和元年正月為畿内及伊賀伊勢近江

丹波等總管百鍊鈔時源義仲起兵信濃應源

賴朝從者稍衆是月源行家率兵數千騎抵

尾張目代馳驛告六波羅京師驚擾兵士乘

間掠略資財源平盛衰記先是知盛率兵

赴東國至洲股病而還賴朝義仲兵勢日熾

宗盛欲將大兵往擊法皇下敕曰凡帶武官

及自餘便弓馬者宜悉隨從然州郡皆知官

符院宣出于平氏相率歸源氏宗盛將發會

清盛薨而止源平盛衰記於是宗盛白法皇

曰先臣所為臣聞有不欲者而臣之不肖不能諫止自今而後事皆奉聖旨聞東征兵士糧食方盡先臣向欲使西海北陸二道轉軍餉事未及施行而沒願聽聖裁且陛下欲宥賊乎將進討乎請得朝議一決然後從事法皇集公卿議之法皇欲宥賴朝等宗盛不聽遣重衡將兵赴東國玉海三月重衡等大破行家於洲股而還源平盛衰記先是賴朝竊奏法皇曰臣非謀反欲除賊耳聖慮若眷眷平氏則

源平兩氏相竝奉仕如往日冀試其忠否法皇以書示宗盛宗盛奏曰和解實為美事然有先臣遺命曰凡我子孫必當暴骸於賴朝前臣等既受此言義不可不伐也玉海壽永元年復權大納言尋拜內大臣賜左右近衛番長各一人近衛各四人為隨身兵仗公卿補任至拜賀日儀從甚盛時東北諸源將入京師宗盛不以軍事為意華麗自誇時人譏之源平盛衰記平家二年敘從一位辭內大臣公卿補任先是

記平家

二年敘從一位辭內大臣

公卿補任先是

物語

卷一百一十三

列傳

一

朝議徵兵諸國畿內及紀伊伊賀伊勢尾張  
 參河播磨美作備前備中備後安藝周防長  
 門豐前豐後筑前筑後大隅薩摩等兵來集  
 源平盛衰記四月以維盛通盛忠度行盛經正清  
 房知度等為追討使率十萬餘騎先擊義仲  
 行奪貢賦掠民財進至越前拔義仲將仁科  
 守弘等所守燧城仁科守弘據復越前加賀  
 遂至越中與義仲戰于礪波山大敗績七月  
 義仲抵近江宗盛遺書延曆寺請援啗以本

寺準氏寺日吉社為氏社僧徒不聽源平盛

家物宗盛遺資盛自宇治知盛重衡自勢田

分道赴近江義仲進屯延曆寺資盛等引兵

而還時源行家入大和源行綱據攝津河內

應賴朝足利義清抵丹波皆將入京師於是

召還諸將源平盛衰記參取平將奔鎮西知

盛等以為不可宗盛不聽定議西狩先是宗


盛竊議挾法皇而去或知其謀密奏之法皇

潛出宮宗盛惶惑計無所出乃自火第宅收

劔璽奉帝及建禮門院皇弟守貞而西闔族皆從宗盛行至福原勵臣僚士卒曰四海板蕩天子蒙塵汝輩能盡死力以護神器乎皆曰禽獸猶知報況於人乎君臣之分不以盛衰變心唯命之從宗盛悅源平盛衰記於是拜清盛墓終夜奏樂誦經源平盛衰記翌日燒故都宮殿公卿第宅泛海如太宰府源平盛衰記既而法皇下詔削平氏二百餘人官爵玉海


○一代要記為一百八十九人源平盛衰記一百八十八人平家物語一百六十人

高倉帝第四皇子登極是為後鳥羽帝宗盛等聞之曰悔不并取三四宮來三宮惟明親王四宮則後鳥羽帝也時刑部卿藤原賴輔為豐後國司遣子賴經理國務聞平氏入太宰府遙命賴經拒之賴經與緒方惟能謀以院宣倡九國二島兵士攻平氏源平盛衰記宗盛遣資盛等說惟能惟能不從平家物語發兵由博多來攻乃遣肥後守平貞能及菊池隆直原田種直將兵禦之不能支宗盛等奉帝



奔箱碕、尋遷于藤原秀遠山鹿城、聞惟能以  
兵十萬來、泛海避之、至柳浦、謁宇佐宮祈恢  
復、知盛管國長門、目代紀光季獻船一百三  
十餘艘、遂抵讚岐、造行宮於屋島、田口成良  
自阿波來屬、四國將士皆應之、源平盛衰記  
參取平家物語  
先是宗盛上書法皇曰、車駕西遷、欲避一  
時禍亂耳、臣等初非負陛下、自今而後庶務  
悉奉聖算法、皇依違未報、玉海既而宗盛勢復  
振、稍徇山陽道、閏十月遣重衡通盛、教經等

與義仲將足利義清、高梨高信、海野幸廣戰  
于備中水島、大破之、斬其三將、獲首一千二  
百級、源平盛衰記 ○平家物語諸  
本名氏各有異同、今從本書十一月遣  
教盛、教經、重衡、重衡 ○平家物語作知盛  
今從盛衰記將兵一  
萬、○平家物語諸本為二  
萬、或三萬、今從盛衰記與源行家戰播磨  
室山、又大破之、源平盛衰記  
平家物語山陽南海十四  
國將士、稍為其用、玉海、源平盛衰  
記、平家物語先是賴朝  
義仲交生嫌隙、義仲以水島室山之戰頻敗  
屛、平氏勢益振、乃欲與之連和、共擊賴朝、密



遺書屋島達其意宗盛喜欲許之知盛固爭

而止源平盛明年正月築城於攝津一谷廣

袤三里包福原故都北限山南至海一谷為

西門生田森為東門兵士十萬餘東鑑玉

歷代皇紀作六萬充滿其中又設船數萬艘以備水

戰源平盛衰記平家物語廣遣使與義仲連

和玉海源平盛衰時

在讚岐廳眾二千餘人叛赴京師平家物語

岐讚途襲教盛備中下道行營平家物語教

盛通盛教經擊敗之廳眾走淡路屬源義嗣

義久通盛教經攻而殲之遂欲至伊豫擊河

野通信通信懼走安藝與沼田次郎合教經

進擊敗之虜沼田次郎通信逃走又敗安摩

宗益園部重茂於吹井浦通信與緒方惟能

海田宗親曰杵維高等據今木城長門本

宗親宗通又擊走之是月賴朝使其弟範賴義

經攻一谷大發兵赴攝津資盛等陣三草山

西義經夜襲之軍中驚動自相鬪亂資盛走

屋島、範賴率五萬餘騎攻東門、義經令田代  
 信綱、土肥實平等將七千餘騎攻西門、自帥  
 精騎三千徑下鶴越、放火燒營、內外齊攻城、  
 中人馬蹂躪、宗盛倉皇奉帝泛海、如屋島、士  
 卒狼狽爭舟、舟中以刀斷其臂股、號叫擾亂、  
 覆歿大船三艘、溺死者多、源平盛衰記通盛  
 忠度、經正、敦盛、知章、經俊、業盛、盛盛、俊等戰死、  
 重衡被虜、東鑑源平盛衰記、平家物語法皇憂三種神器  
 在外、及獲重衡、令遺書宗盛上之、約以贖其

死、宗盛得院宣及重衡書、乃奏答、向者京師  
 失守、臣等謹奉幼主幸西海、當時奉院宣宜  
 還御、既聞京師稍安、乘輿將還、而義仲稱奉  
 院宣、逆拒於水島、官軍克勝、遂得幸攝津、頃  
 者聞當有院使來議講和、俄而源氏來襲、臣  
 不知聖慮所在、惶惑失措、是以未還京、遲回  
 至今耳、講和者公私所同便、然聖旨未明、謹  
 俟處分、臣久承朝恩、何敢負義、而義朝之誅、  
 坐信賴事、非與臣家有私怨、願詔武士停戰



鬪無妨還幸東鑑○源平盛衰記宗盛奏答  
 等以居外戚奉幼主母后避兵西海三種神  
 器傳國大寶不可一日離玉體也冀陛下暫  
 幸于此待亂平乃奉而還禁闕否則相率赴  
 高麗百濟惜神器終為異域之物今承詔旨  
 曰還神器於京師則當宥重衡死向親族多  
 死一谷重衡豈獨忍惜生哉遂不奉詔玉海  
 二月二十一日條載或人說云宗盛奏答還  
 三種神器帝及母后敬聞命於臣則不欲入  
 京師願賜讚岐留居使男清宗從乘輿也而  
 三月朔條定長說云宗盛答敕大略欲和親  
 者與東鑑台據東鑑定長者奉敕既而又徇  
 鞠訊重衡則其所說蓋得其實也  
 山陽道源平盛十二月行盛守備前兒島為  
 賴朝將佐佐木盛綱所破東鑑四年正月知盛

屯兵長門引鳥守門司關以備東兵東鑑源平盛衰  
記是月義經抵渡邊大雨暴風義經將精兵  
 衝風濤猝至宗盛以田口成良策奉帝泛海  
 留將士守城二月十九日義經放火燒屋島  
 民舍延及行宮營壁悉為灰燼煙焰蔽海平  
 氏軍不能支入海避之於是海陸放矢相挑  
 宗盛謂教經曰聞向義經來戰僅七騎我軍  
 慮其後騎繼至猶豫遂逸之卿宜認義經鎧  
 仗下船狙擊教經乃率精兵三十餘人進船

登岸躬自督戰多所殺傷義經退陣卒禮高  
 松教經陣于屋島明日義經又來攻教經避  
 之於海義經軍益振宗盛奉帝遁志渡義經  
 來攻又不能禦泛船經引島如箱碕源平盛  
衰記  
 時範賴領大兵在豐後東以故平氏不得進  
 回船漂泊壇浦義經舟師七百餘艘○平家  
物語作  
 餘千來攻宗盛等戰艦五百餘艘拒之○平  
家物  
 語作千奉帝徙御戰艦使士卒駕唐船料源  
 氏必攻唐船將前後夾擊之時田口成良視

平氏日感漸懷攜貳竊告之義經義經知其  
 謀急攻之成良亦應之平氏大敗知盛來帝  
 船曰事既如此無復可言源平盛衰記  
平家物語侍御  
 悉悲泣二位尼歎曰宗盛實非相國之胤亦  
 非我所生宜其心操不似小松內府彼必不  
 能死為虜受辱矣蓋二位尼既生重盛後不  
 復有男清盛憂之後會有身欲其為男禱祈  
 神佛既而生女秘之不告竟得清水寺北坂  
 傘工家兒密易之沒清盛世終不言之至此

二位悲憤始言之云源平盛乃與按察局抱

帝挾劔墮投海而死東鑑曰二品禪尼持寶

海又載義經注進狀按察局雖抱先帝共沒

身尚不死源平盛衰記二位尼赴海下文又

云八條殿亦相繼赴海按稱八條殿者即二

位尼也為二人誤今據愚管鈔百鍊鈔平家

物語諸本取教盛知盛經盛資盛有盛行盛

盛衰記上文等相繼死東鑑平宗盛清宗不能引決彷徨

舟中兵士醜之故為失手相觸擠之父子素

善泅縱橫浮游東兵以鐵搭鉤而捉之送于

京師父子同載用八葉車徹前後簾拘于義

經堀川第五月送于鎌倉路苦祈宥死義經

慰曰必以我軍功贖宗盛喜曰苟得延餘喘

雖竄逐遠惡亦所甘心也源平盛衰記六月

入鎌倉賴朝垂簾引之別室隔庭而見比企

能員傳命慰勞東鑑源平宗盛竦動懾息曰

若得宥一死則當出家事佛也清宗進曰我

家世護朝家有功無過世人所共知而事既

至此復何言惟速賜死為幸賴朝不忍致刑

欲其自裁俎上盛魚置刀以示之宗盛不覺

源平盛衰記長門本平家物語清宗知其意然不忍先父而

止源平盛衰記賴朝呼宗盛曰讚岐權守改名末

國源平盛衰記長門本平又送還京師往抵

近江篠原義經置宗盛父子於各所源平盛衰記

家物宗盛曉其意乃請引僧受戒而死義經

許之遂斬於篠原源平盛衰記時年三十九公卿補任

○源平盛衰記曰宗盛就虜京師聚觀有二

三癩人語曰積惡之餘殃一至此乎我聞此

公曾與建禮門院茲先帝即其所生也建禮

門院對後白河法皇懺悔往事亦有西海舟

醜被誣與兄宗盛通之語蓋當時傳首京師

梟于獄門樗樹吉記百鍊鈔東鑑源有二子

曰清宗曰能宗平氏系圖源清宗敘從五位

下加首服於法皇宮聽昇殿禁色雜袍尋任

侍從兼備前介累進敘正三位任右衛門督

公卿補任及父死斬於野路東鑑時年十七源平盛衰記

家物語○公卿補任作年十五能宗幼失所恃其母臨終深

以為念宗盛愍之殊鍾愛之常謂清宗我家

嫡嗣宜為大將軍知東國事此兒為副將軍

知西國事故呼曰副將及宗盛被虜義經斬

之六條河原

源平盛衰記

時年六歲

東鑑○源平盛衰記為八

歲

知盛平治元年敘從五位下累遷任左近衛中將治承中敘從三位任左兵衛督為院殿別當公卿補任以仁王之舉兵知盛與重衡等擊之宇治敵徹橋拒戰衆不肯進知盛曰兩軍相遇於橋架上我雖衆不為用宜其為寡少所遮也乃令衆亂流直涉遂大破之源平盛衰記

山本義經起兵近江與姪資盛等將兵數千

擊敗之

參取東鑑源平盛衰記長門本平家物語

○盛衰記云知盛征東大將軍平家物語征夷大將軍而玉海云東國追討使大將軍則

一時所命非拜征夷斬首二百餘級生獲四

十餘人玉海養和元年二月移兵襲源行家於

美濃板倉縱火燒營行家敗走源平盛衰記時平

氏軍屢戰罷倦知盛亦罹疾遂還京師玉海參取

東鑑源平盛衰記○諸本平家無幾任參議

物語以知盛病還為三月事誤壽永元年拜權中納言公卿補任時東北諸源日

彊盛二年源義仲至近江知盛將兵拒之義

仲進屯延曆寺、知盛還至粟津、與大田兼定  
 等戰不克、引兵還京師、宗盛大懼、遂定議西  
 狩、既出京師、叔父賴盛留而不往、兵衆頗離  
 畔、源平盛衰記宗盛悔之、知盛怒曰、前途所  
 倚、憑未可必、故向勸固守京師、而公不用我  
 言、今至此、無可柰何、平家物語既而抵屋島、及源  
 賴朝與義仲構隙、義仲遺宗盛書請和、宗盛  
 喜欲許之、知盛諫曰、向為彼所逼、以至於此、  
 今復與之和、賴朝謂我何、且天子在焉、彼若

卷甲戢兵、乞降軍門、則許之、何講和之有、公  
 宜以此意答之、宗盛從之、義仲竟不至、三年  
 源義經陷一谷城、知盛守城東門、敗走、追兵  
 幾及子、知章力戰而死、知盛乘良馬獲免、涉  
 水上船、船狹不容馬、鞭令還陸、田口成良曰、  
 名馬可惜、莫令賊獲、請射殺之、知盛曰、是脫  
 我於危、寧令賊獲之、豈忍殺乎、源平盛衰記  
 見宗盛垂泣曰、子救父而死、父忍而走、他人  
 為之、我亦唾面、今自為之、人謂我何、宗盛稱

知章武幹深憫惜之平家物語重衡為虜法皇遣

使宣詔曰卿送書宗盛今上三種神器則放

還卿重衡乃遺書宗盛源平盛衰記二位尼

泣請宗盛上神器贖重衡死左右悲慟不能

仰視知盛曰縱上神器重衡決無還理不可

為浮辭移也眾皆然之平家物語子弟相聚屋島

悒鬱無聊宗盛曰先公之徙福原我新幹盡

而逸高倉宮深以為恨今離京師已三年矣

淪落之悲固切懷抱然比之往事未足甚傷

也源平盛衰記知盛正色曰東北叛賊昔浴我恩

歛忘舊好皆歸賴朝雖鎮西亦莫不然我故

請待賊京師殊死格鬪至刀折矢盡而已然

我不得獨留從眾至此豈非慙恨之甚乎源平

盛衰記平家物語於是造壘其管國長門引島塞門

司關以備諸源東鑑管國二字據平家物語源平盛衰記四年二


月屋島陷舉族泛海漂泊長門壇浦義經追

至大戰海上舟師四合知盛獨立船首激勵

將士曰勿退戰唯有今日而已自古驍將勇

士或為囚虜者、避必死而求苟生也、卿等隕命此時、貽名後世、無為東賊笑、萬眾一心、要捉義經投之海、所求止此、藤原景清平盛綱等皆感情憤、欲必獲義經、源平盛衰記知盛見宗盛謂曰、今日合戰、士氣皆倍、但田口成良獨否、我察其有異志、請斬以徇軍、宗盛不聽、知盛再三彊之、宗盛不得已、召成良曰、汝之舉措、不似向前、豈屈撓邪、宜號令四國眾、力戰決勝、知盛在側、扣刀欲斬成良、宗盛遂不肯成

良果叛、東兵攻急、知盛往建禮門院及二位尼船、宮女等泣而問狀、知盛笑曰、事固當如此、今復何言、但宮人始見東男子耳、乃自掃除舟中、令悉棄猥雜物、既而帝崩于海、宗盛被虜、源平盛衰記知盛聞而垂泣、深恥之、遂與叔父教盛並坐、自刃而死、源平盛衰記○平家物語作投海、今據醍醐雜事記、從本書本文、年三十四、公卿子知章為武藏守、一谷城陷、從知盛走、兒玉黨數人躡而追之、監物太郎賴賢射殺一人、二





人進迫知盛知章遮而搏之獲其首知盛得

間而免知章遂戰死時年十六源平盛衰記

盛衰記或賴賢欲收知章首被重創遂死之

源平盛衰記知章弟知忠平氏赴鎮西時年甫三

歲乳母子紀二郎大夫友方○八坂本平家

方長門本作紀伊攜往備中宮内居數年至

伊賀寓山中僧舍後潛還京師匿法性寺側

平盛嗣藤原忠光藤原景清以下潛來屬京

師騷擾如白本平建久七年六月將襲賴朝

妹婿藤原能保第明月後藤基清在京師能

保使基清圍而攻之射戰移時從士二十餘

人死知忠度不可免自刃而死時年十六友

方亦自殺盛嗣景清遁去欲報仇不克而死

諸異本平家物語

重衡應保二年敘從五位下尋任尾張守除

左馬頭嘉應承安間累進敘正四位下治承

三年任左近衛權中將無幾辭之四年補藏

人頭公卿是歲五月以仁王事起與維盛等

將兵二萬餘、敗源賴政於宇治川。玉海、山槐記、長門本

平家物語、振旅還、帝敕重衡戎服進見、親問軍狀、

玉海、山槐記、十二月率兵數千騎赴柰良。東鑑、山槐記

攻東大興福寺、僧徒據柰良坂、般若路、設

陷、穿布蒺藜、僵樹以塞攻路、重衡進擊、放火

民舍、適風暴急、延及二寺、燒一百餘宇、大像

亦為灰燼、僧徒大敗。山槐記、參取源平盛衰記、平家物語、斬二

百餘人。百鍊鈔、源平盛衰記、為七梟首三

十餘級。玉海、盛衰記、燒死者百餘人。東鑑、平

家物語為三千五百人、盛衰記二千四百餘人、長門本平家物語一萬二千三百餘人、

養和元年三月、與維盛等將七千餘騎、擊源

行家於尾張洲股、隔水對陣。源平盛衰記、長門本平家物語

行家將乘夜來襲、重衡卒浴馬於渚、因覘知

之、走還報之。玉海、東鑑、乃逆擊破之、斬其將卿公

義圓。東鑑、源平盛衰記、泉重滿潛乘筏濟水、重衡等

覺之、故引兵退、遠水而陣、待其濟、擊之、斬重

滿、殺獲甚多、行家退走、小熊、重衡與維盛等

追及之、分軍為五、藤原景家、藤原忠清、平盛

俊高橋長綱迭進擊之皆不勝而退重衡維

盛自將二千餘騎當之景家等四千餘騎又

來合更進迭戰行家遂敗走重衡等乘勝逐

北連破之於折戶熱田○長門本平家物語折戶作折津行

家走參河收散卒保矢矧東岸遣人佯言東

兵大至重衡等以為眾寡不敵引兵而還源平

盛衰再任左近衛權中將敘從三位公卿補任壽

永二年九月平氏奉帝至屋島遣諸將略山

陽南海二道南海道據平家物語閏十月源義仲遣其

將高梨高信足利義清海野幸廣仁科盛家

來攻重衡與通盛教盛帥舟師二百艘拒之

備中水島斬高信義清幸廣獲首一千二百

級源平盛衰記十一月敗惟資于備前東川吉記

資姓源行家于播磨室山源平盛衰記三年

二月源範賴義經率兵來攻一谷重衡守生

田森城陷而走莊家長父子急迫之○按東鑑二月

七日日記曰重衡於明石浦為景時家國所虜

又五日日記列範賴義經部下將士名有梶原

平三景時源太景季平次景高及莊太郎家

長而無家國者家國家長疑有一誤平家物

大日本史 卷一百五十三 川傳 三十一

語曰、莊四郎高家及梶原源太景李追而不  
及、景李射其馬、重衡不能走、高家迫虜之、南  
都本作梶原父子三人、長門本單作景時、伊  
藤本八坂本作莊四郎高家、未知孰是、今姑  
從盛、重衡馳至須磨浦、家長追而不及、放矢

射馬、重衡有副馬、令親臣後藤守長騎、疾呼  
索之、守長不顧而走、重衡欲自刃、家長疾馳

逼之、授己馬、緊縛之、鞍行、源平盛衰記既而義經

送之京師、拘于土肥實平家、玉海法皇召重衡

於藤原家成堀河故宅、遣右衛門權佐藤原

定長宣詔曰、宜諭宗盛上三種神器、若奉詔

旨、則命賴朝宥死歸屋島、源平盛衰記參取東鑑平家物語

重衡對曰、曩祖貞盛以來、世為朝家爪牙、勤

勞王事、而至子孫獲罪、漂泊西海、向通盛以

下親族、既見梟首、臣縱得生還、勝敗豈係一

人、臣亦何顏面、再見宗族乎、神器自非與乘

輿俱、決無還京師之理、然詔旨嚴重、以臣意

諭之、源平盛衰記乃送書屋島、上皇亦遣呂次范

方者、齋院宣諭時忠等、參取源平盛衰記平家物語宗盛

心欲講和、既而戰敗、神器歿于海、玉海東鑑○平家物

語云、二位尼得重衡書、悲泣謂宗盛曰、中將今如此、願為我更為計、宗盛曰、同氣之愛、固所不忍、雖然神器國家之大寶、以之易重衡一人、必取嗤於賴朝、且帝之所以為帝、以神器在也、母氏獨愛重衡、蓋為餘重衡乞從僧子慮、遂不奉詔、與本書所載異、

服義經為奏之、法皇不聽曰、先使聞知賴朝而後議之、於是請僧源空問法悔過、源空假為剃髮授戒、源平盛衰記、三月賴朝遣梶原景時致之鎌倉、東鑑源平盛衰記、至伊豆會賴朝獵于北條、引見之曰、賴朝將上敵法皇之愾、下雪先人之恥、乃舉義石橋以討暴亂、遂

致公於此、見屋島內府、亦將有日矣、重衡對曰、自古源平二氏相與衛護天朝、而二十年來、吾家獨秉國家之鈞、宗族登朝者八十餘人、權勢之盛、天下無比、今我命窮、竟為囚虜、亦兵家之常已、何羞之有、唯速刎首、神色自若、無所屈撓、見者嘆稱焉、賴朝乃屬工藤宗茂善遇之、東鑑參取平家物語、○源平盛衰記曰、賴朝引見、乃使景時言曰、昔者賴朝因故相國洪恩、得有今日、其恩山高海深、固無意修舊怨、然以院宣之重、不能顧其私、遂得致公於此、豈本意乎、然勢既至此、則謁屋島大臣、亦應在邇、景時跪而將言之、

重衡意怒其令人將命乃遙向賴朝勸聲曰  
 運命之窮今至如此若不忘相國恩請速斬  
 首既至鎌倉宗茂為具湯沐重衡以為死期  
 已迫賴朝豫使侍女千手往侍之問其所欲  
 重衡曰無他只欲剃髮為僧千手還報賴朝  
 不聽參取源平盛衰記平家物語又遣千手及藤原邦通  
 工藤祐經饋酒肴慰之祐經擊鼓歌今樣千  
 手彈琵琶重衡乘興吹笛先吹五常樂自謂  
 曰是為後生樂次吹皇輦急曰是往生急也  
 夜闌宴罷重衡留千手勸酒朗詠六曲曰燭

暗數行虞氏淚夜深四面楚歌聲邦通等還  
 盛稱其言語藝能賴朝曰我憚外議不臨其  
 席深以為憾東鑑○源平盛衰記平家物語亦載此事小有異同今不悉注  
 明年六月賴朝送重衡於柰良先是東大興  
 福二寺僧徒怨重衡請得以甘心至此遣之  
 僧徒不欲殺之於境內惟乞其首因斬之於  
 木津川上源平盛衰記平家物語○按時年  
 二十九公卿補任僧徒得其首梟之於柰良坂參取  
玉海源平盛衰記平家物語

大日本書紀 卷一百五十三 三十一



